



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmma Bvllarii Earvmve Svmmorvm Pontificvm  
Constitvtionvm Qvae Ad Commvnem Ecclesiae Vsvm post  
volumina Iuris Canonici, vsq[ue] ad Sanctissimum D. N.  
D. Pavlvn Papam V. emanarunt**

**Quaranta, Stefano**

**Venetiis, 1619**

Forum competens.

**urn:nbn:de:hbz:466:1-10793**

aliorum Sanctorum habendas, & retinendas esse, atque eis debitum honorem, ac venerationem impartendam.

Indulgentiarum etiam potestatem, a Christo in Ecclesia relictam fuisse, illarumque usum Christiano populo maxime salutarem esse affirmo.

Sanctam Catholicam, & Apostolicam Romanam Ecclesiam, omnium Ecclesiarum Matrem, & magistram agnosco, Romanoque Pontifici, Beati Petri Apostolorum Principis successori, ac Iesu Christi Vicario, veram obedientiam spondeo, ac iuro.

Cetera item omnia a sacris Canonibus, & Oecumenicis Concilijs, ac precipue a Sacrosancta Tridentina Synodo tradita, definita, & declarata, indubitanter recipio, atque profiteor, simulque contraria omnia, & schismata atque haereses quascunq; ab Ecclesia damnatas, & reiectas, & anathematizatas, ego pariter damno, reiicio, anathematizo, & abiuro.

Hanc veram Catholicam Fidem, extra quam nemo saluus esse potest, quam in presenti sponte profiteor, & veraciter teneo, eandem integram, & inuiolatam usque ad extremum vitae spiritum, constantissime, Deo adiuuante, retinere, & confiteri, atque a meis subditis, vel illis, quorum cura ad me in munere meo spectabit, teneri, doceri, & predicari, quantum in me erit, curaturum.

Ego idem

Spondeo,

Voueo, ac iuro: Sic meus adiuuet, & haec Sancta Dei Euang.

### FORVM COMPETENS.

**P**RÆTER Summissas sciendum est qualiter contra personas ecclesiasticas foro suo renunciantes, vel alias personas ecclesiasticas ad forum laicale trahentes extat decretalis Innocentii tertii relata in cap. si diligenti, de foro compet. qua fuit innouata, & ampliata per Martinum Quintum fol. 62. in Bullario tenoris sequentis, Martinus episcopus seruorum Dei.

Ad reprimendas insolentias transgressorum, eorumque praesumptionem restandam, si neruus ecclesiasticae disciplinae lentescat, eorum voluntas procliuor fit ad peccandum, & exemplum impunitatis periculosis in altos deriuatur. Propter quod ad praesidentis officium pertinet, sic debitam executionem adhibere iustitiae, quod commissa iam puniat, & committendorum in posterum audaciam interdicit. Sane sicut displicenter accepimus nonnulli diuersorum regnorum, & terrarum iudices, alijque officiales laici, & laicales personas, iurisdictionem in temporalibus exercentes, exerceri facientes, non attendentes, quod laicis in clericos, & ecclesiasticas personas, & illorum bona, nulla sit attributa potestas praetextu huiusmodi (quod asserant in suis dominiis ad se pertinere) coercere via facti, quae vere, & si forte attentata asseruntur etiam in quocunque loco sacro, vel religioso quantumcumque Deo dicato, ex quacumque causa etiam si ratione delationis corporis Christi, collationis sacramentorum, & beneficiorum ecclesiasticorum venditionis factarum, aut aliarum rerum, & bonorum ad ecclesias, & ecclesiasticas personas pertinentium quomodocumque, etiam si sola negatione, vel affirmatione facti interueniat, & ad eos recurratur, cognitionem ad se spectare pro eo quod factum, & nouitas, quae pretenduntur etiam sine  
alia



alia violentia, quavis in loco spirituali, & in loco sacro, siue religioso, eo quod immediate, ut præduntur, spiritualia non exigant) propterea ministros ecclesiæ, & personas ecclesiasticas, quantumque res, causa, vel occasio unde pendeat, & deriuantur, pia, sacra, vel ecclesiastica sit, aut spiritualis, ad forum suum, & ipsarum cognitionem trahunt, & respondeat cogunt. Nec non procuratores fiscales in ceteris temporalibus multoties agere procurant, ad quos (quod deterius est) nonnulli prelati, & personæ ecclesiæ in superbia, & elationem dati, ad superandum, sibi subiiciendum per tales inuentiones, & cautelas alias personas ecclesiasticas, & religiosas, habent plerumque recursum, & propterea in eisdem regnis, & terris, ciuitatibus, castris, & locis, authoritas, & iurisdictio ecclesiastica penitus abforbentur, & nihilominus ipsi laici iudices, aliis laicis respondent in foro ecclesiastico super rebus quantumcumque ecclesiasticis, vel spiritualibus, & concernentibus immediate ecclesiasticas personas, ne respondeant, & iudicibus ecclesiasticis, ne cognoscant, inhibitiones fieri sub grauius penis temporalibus faciunt & procurant, & si fecerint, emendam pecuniariam, excessiuam exigere, ac vastatores in domibus, & pijs alijs locis ecclesiasticis, & religiosis inducere, ac loca ipsa personarumque ecclesiasticarum iocalibus, & paramentis ecclesiasticis, & bonis mobilibus ac alijs spoliare, illaque vendere, & alienare, fructus quoque, & proventus ad temporalitatem ad manus suas ponere, nec non diuersas iniurias, & molestias reales, & personales eisdem personis ecclesiasticis inferre non verentur in Dei offensam, animarum suarum periculum, ecclesiastica libertatis vilipendium, & plurimorum grauamen, præiudicium, & iacturam. Nos igitur aduersus talia præsumptiuum temeritatem remedia apponere, & super his salubriter prouidere cupientes, ac concilii Mileuitani, ac sancti Innocentii Papæ tertii prædecessoris nostri Constitutionibus super hoc editis, auctoritate Apostolica, ex certa scientia, hac nostra irrefragabili Constitutione perpetuo duratura tenore præsentium statuimus, decernimus ac etiam ordinamus, quod omnes, & singulæ personæ ecclesiasticae saculares, & regulares ordinum quorumlibet, quacumque exceptione suffultæ etiam si Patriarchali, Archiepiscopali, episcopali, Abbatiali, vel alia quavis præfulgeant dignitate, quæ aliam personam ecclesiasticam, collegium vel conuentum in actione reali, mixta, vel personali, ciuili, vel criminali, etiam occasione cuiuscumque submissionis, etiam iuramento vallatæ, vel alias ad finem, siue iudicium laicale directe vel indirecte (de qua in foro ecclesiastico ordinari consueuerit, possit, vel debeat, de iure, vel de consuetudine, aut alias cognosci) trahere præsumpserit causam ipsam, & omne ius ei, siue eis, in possessorio, vel petitorio iure, vel ad rem, causa vel occasione huiusmodi quomodolibet competens, eo ipso perdant penitus, & amittant, & singulares personæ excommunicationis, Capitula vero, & conuentus suspensionis, & interdicti sententias incurrant ipso facto, & si personæ ipsæ, & eis in præmissis adherentes, & seruientes in aliquo rebelles fuerint, & in continentia non obedierint, omnes illas per priuationem suorum beneficiorum ecclesiasticorum quorumcumque, quæ obtinebant, & in quibus, & ad quæ ius quomodolibet competit, & inhabilitationem ad alia in posterum obtinenda, coerceri, & compelli volumus ante dictas, & nihilominus omnes, & singulos iudices, & executores, communitates, dominia, laicos, & laicales personas, postquam exceptum fuerit de non iurisditione eorum, aut euidenter appareat huiusmodi cognitionem ad eos de iure non spectare, talia præsumentes, & ea fieri mandantes, seu eorum nomine, & mandato facta rata habentes, vel eis faciendis dantes auxilium, consilium, vel fauorem, cuiuscumque præminentie



dignitatis gradus, ordinis, vel conditionis existat, seculares personas; eorum videlicet singulos officiales, quocumque nomine censeantur, & consiliarios, & priuatas personas, quæ præmissorum principales perpetratores existerent excommunicationis sententiam incurrere volumus ipso facto, nullusque ab eisdem sententijs, per alium, quam per Romanum Pontificem præterquam in mortis articulo constitutus absolui valeat, Sive possit, & præmissa omnia non tantum ad futura, sed etiam ad præsentia, & pendētia extendimus auctoritate memorata; quodque etiam procurator fiscalis causarum, curia camera Apostolica contra culpabiles in præmissis desuper Summaria in formationes præhabita, per se vel alium, seu alios agere, & procedere possit, & valeat, nihilominus concedentes. Non obstante si aliquibus communiter, vel diuisim a Sede Apostolica sit indultum quod interdici, suspendi, vel excommunicari non possint per literas Apostolicas non facientes plenam, & expressam ac de verbo ad verbum de eorum proprijs nominibus, ac indulto huiusmodi mentionem, & quibuslibet constitutionibus, privilegijs indultis, & literis Apostolicis, de quibus etiam plena, & expressa ac de verbo ad verbum in nostris literis habenda est mentio specialis ceterisque contrarijs quibuscūque. Nulli ergo &c. nostrorum statuti, decreti, ordinationis, & volentis infringere &c. Datum Romæ apud Sanctos Apostolos Cal. Februarii Pontificatus nostri anno vndecimo.

Pro militibus Regularibus S. Ioannis extat Clem. VIII. Constitutio tenoris sequentis.

Clemens, Papa VIII. Ad perpetuam rei memoriam.

Æqua, & circumspēcta Romani Pontificis prouidentia inter cetera, quæ ei diuinitus incumbunt onera, illud etiam sollicite prospicere, & cauere debet, ne seculares iudices in personas ecclesiasticas, & præsertim hospitalis, S. Ioannis Hierosolymitani, pro fidei Catholicæ aduersus Christiani nominis hostes defensione assidue laborantes sub prætextu criminis assassini ultra quam deceat manus extendant; Propterea nos pro pastoralis officij nostri munere his malis atque incommodis, quæ de cetero euenire possent opportuna ratione obuiare volentes, & vi Milites Religiosi, ac persona hospitalis prædicti in suis immunitatibus, & privilegijs vt par est conseruentur illæsi. Motu proprio non ad ipsius Religionis, aut alicuius pro ea nobis super hoc oblatæ petitionis instantiam, sed ex certa scientia, & de Apostolica pe testatis plenitudine, ac nostra perpetuis futuris temporibus, valitura constitutione, Decernimus, declarationem criminis assassini ad iudicem ecclesiasticum omnino pertinere, Ideoque omnibus, & singulis quarumcūque ciuitatum, Prouinciarum, Terrarum, Regnorum, & Dominiorum curijs Tribunalibus, Magistratus, nec non gubernationibus, Potestatibus, officialibus, & Ministris ceterisque personis quacumque etiam Regali, Imperiali, & alia auctoritate, & potestate fungentibus, & functionis auctoritate Apostolica tenore præsentium districte prohibemus, atque interdiciamus, ne sub excommunicationis maioris lata sententiæ, a qua non nisi a Romano Pontifice præterquam in mortis articulo constituti absolui nequeant, aliisque pœnis nostro, & successorum nostrorum pro tempore existentium abstritio infligendis, & per quemcūque eorum ipso facto, & ipso iure sine aliqua declaratione incurrendis, audeant, vel quoquomodo præsumant ex nunc de cetero in perpetuum contra aliquos dicti hospitalis Fratres, Milites, ac Religiosos, Donatos, Familiares, seruitores, nec non Presbyteros seculares eorum ecclesijs inferuentes dum eis inferunt, & alias quasuis personas dicti Hospitalis declaratoriam aliquam



quam sententiam ferre, quod assassini crimen commiserint, neque ad poenarū executionem devenire, nisi prius per superiores eorum adiuncto sibi loci episcopo, declaratum fuerit eos tale assassinium commisisse, non obstante quavis etiā antiquissima, & immemorabili consuetudine in contrarium forsan quomodo libet vrgente. Decernentes quoque sic in praemissis omnibus per quoscumque iudices, & commissarios ecclesiasticos & saeculares quavis etiam Imperiali, Regia, Ducali, aut alia auctoritate, & potestate fungentes, & functuros, sublata eis & eorum cuihbet quavis aliter iudicandi, & interpretandi facultate, & auctoritate, iudicari & definiiri debere, ac irritum, & inane quicquid secus super his a quacunque quavis auctoritate scienter, vel ignoranter contigerit attentari. Non obstantibus praemissis, ac quibusvis constitutionibus, & ordinationibus Apostolicis, etiam in corpore iuris clausis, nec non statutis legib. & consuetudinib. Privilegiis quoque indultis, & literis Apostolicis quibusvis huiusmodi curiis tribunalib. magistratib. & alijs supradictis eorumq. iudicibus, ac alijs superioribus, & personis sub quibuscunque tenonib. & formis, ac cum quibuscumque clausulis, & decretis in contrariū forsan quomodo libet concessis, confirmatis, & innovatis, quibusc. etiam si de illis eorumq. totis tenonib. specialis, specifica & individua mentio facienda esset, illarum huiusmodi tenores praesentibus pro plene, & sufficienter expressis habentes, illis alios in suo robore permanentis latissime hac vice specialiter, & expresse derogamus, ceterisque contrariis quibuscumq. volumus autem quod praesentium transumptis et impressis manu Notarii Publici subscriptis, & sigillo personae in dignitate ecclesiastica constitutae manus eadem prorsus fides adhibeatur, quae praesentibus adhiberetur si forent exhibita, vel ostensa. Datum Romae apud Sanctum Petrum sub Annulo Piscatoris die 18. Decembris 1595. Pontificatus nostri anno quarto.

M. Vestrius Barbianus.

Romae apud Impressores Camerales 1595.

De poenis contra assassinos est tex. in capit. 1. de homi. in 6. Diaz. in pract. crim. cano. in verbo per assassinos alios interfici mandantes. vbi Igna. Lopez. in additio. & nota Declarationem criminis assassinii contra personas ecclesiasticas ad iudicem ecclesiasticum de iure spectare, vide Iulium Clar. in pract. cri. q. 36. sub nume. 31. Capic. decis. 112. & 155. sub num. 25. Gram. voto 8. & 11. post. Doc. in d. c. 1. de homi. & dicuntur assassini etiam si promissio sit incerta Vinc. de Franc. decis. 176. quib. adde Menoch. de arbitra. iud. lib. 2. centur. 4. casu. 360. sub nu. 41. vbi multa ad intelligentiam, & declarationem, d. c. primi. de homi. & quando punitur affectus, effectus non sequitur.

GRAECORVM RITVS.

**P**RÆTER Summistas sciendum est, quod Graeci de iure communi sunt subiecti Episcopo Latino loci ordinario, in quo degunt. c. quod translatione, de tempo. ordin. facit tex. in d. quoniam, de offic. ord. & sacerdotes Graeci vtuntur legitimo matrimonio contracto in laicali habitu, vel dum erant in minorib. c. cum.